



2019 йил “15” ноябрь

№ 9106 -Қ

Urgut sh. — г.Ургут

Ургут тумани “Тинчлик” маҳалласи ҳудудида экотуризмни ривожлантириш мақсадида, логистика маркази, замонавий меҳмонхона, мотель, савдо мажмуаси ҳамда автокемпинг, автомобилларга ёқилғи қуйиш шахобчаси ва бошқа хизмат кўрсатиш шахобчалари қурилиши ер майдони ажратиш тўғрисида.

Ўзбекистон Республикасида Президентининг 2019 йил 5 январдаги ПФ-5611-сонли фармонида асосан туризмни жадал ривожлантиришга оид қўшимча чора-тадбирлар тўғрисида”ги қарори ҳамда Ўзбекистон Республикаси Президентининг жорий йилнинг 26 июль куни Самарқанд вилоятига ташрифи давомида берилган топшириқлар ва вилоят фаоллари иштирокида ўтказилган йиғилиш баёнининг 16-бандига асосан, 2019-2020 йилларда Ургут туманининг қўшни давлат билан чегарадош ҳудудида логистика маркази ташкил қилиш бўйича топшириқлари ижросини таъминлаш мақсадида, вилоят Қурилиш бош бошқармаси ҳузуридаги Архитектура-шаҳарсозлик кенгашининг 2019 йил 30 августдаги 76-сонли баёни ҳамда туман ер танлаш комиссиясининг 2019 йил 4 ноябрдаги далолатномасини кўриб чиқиб, Ўзбекистон Республикаси “Ер Кодекси”нинг 6,23-моддаси ва “Шаҳарсозлик” Кодексининг 38,32-моддаси, Ўзбекистон Республикаси «Маҳаллий давлат ҳокимияти тўғрисида»ги Қонуннинг 6-моддасига асосланиб,

ҚАРОР ҚИЛАМАН:

1.Ўзбекистон Республикаси Президентининг жорий йилнинг 26 июль куни Самарқанд вилоятига ташрифи давомида берилган топшириқлар ва вилоят фаоллари иштирокида ўтказилган йиғилиш баёнининг 16-бандига асосан, 2019-2020 йилларда Ургут туманининг қўшни давлат билан чегарадош ҳудудида логистика маркази ташкил қилиш бўйича топшириқлари раҳбарлик ва ижро учун қабул қилинсин. вилоят Қурилиш бош бошқармаси ҳузуридаги Архитектура-шаҳарсозлик кенгашининг 2019 йил 30 августдаги 76-сонли баёни инобатга олинсин ва туман ер танлаш комиссиясининг 2019 йил 4 ноябрдаги далолатномаси тасдиқлансин.

2.Логистика маркази қурилишини амалга ошириш дирекциясига “Жартепа” агрофирмасининг ердан фойдаланиш харитасида 12, 13, 14, 15, 16, 17, 74 ва 77-рақамли дала контурларидаги туман ҳокимлиги захира ер майдони ҳисобида бўлган жами 20,0 гектар қишлоқ хўжалигида фойдаланиладиган суғориб ҳайдаладиган ер майдони ажратилсин.

3.Логистика маркази бинолари қурилиши учун лойиҳа ташаббускорларига жами 2,0 гектар ер майдони қишлоқ ва ўрмон хўжалиги нобудгарчилик ўрнини қоплаш учун вилоят Ер ресурслари ва давлат кадастри бошқармасининг махсус ҳисоб рақамига 1 969 946 335 (бир млрд тўққиз юз олтмиш тўққиз миллион тўққиз юз қирқ олти минг уч юз ўттиз беш) сўм миқдордаги маблағи тўлаб бериш вазифаси юклатилсин.

4.Туман ер ресурслари ва давлат кадастри бўлими (Д.Бахриев)га ажратилган ер майдонини тасдиқланган бош режа асосида жойининг ўзи (натура)да ўлчаб бериш вазифаси топширилсин.

5.Логистика маркази бинолари қурилиш ишларини вилоят қурилиш бош бошқармаси томонидан тасдиқланган АРТ ва лойиҳа ҳужжатлари асосида, лойиҳа ҳужжатлари учун Давлат экспертиза хулосасини олган ҳолда вилоят Давлат архитектура ва қурилиш назорати инспекциясидан рўйхатдан ўтказган ҳолда амалга ошириш вазифаси юклатилсин.

6.Туман Қурилиш бўлими бошлиғи (Б.Соатов)га қурилиш ишларини тасдиқланган лойиҳа ҳужжатлари асосида бажарилишини назорат қилиб бориш вазифаси юклатилсин.

7.Вилоят ер тузиш ва кўчмас мулк кадастр Давлат корхонаси Ургут туман филиали (Б.Умаров)га мазкур қарор қабул қилиниши муносабати билан логистика маркази бинолари қурилиши учун ажратилган ер майдонларини давлат рўйхатидан ўтказиш вазифаси юклатилсин.

8.Ушбу қарорнинг тасдиғи вилоят ҳокимидан сўралсин.

9.Мазкур қарорнинг бажарилишини назорат қилишни ўз зиммамда қолдираман.

Туман ҳокими

М.Турдиев